



**I**ohannes ille natus est in nobilissimo oppido Schuueinfort Orientalis Franciæ, qui cum apud suos literarum elementa percepisset, tandem maiore vi ingenij excitatus, Viennã nobilem illam superioris Pannoniæ urbem cum æqualibus profectus est. Nullum enim patrũ memoria celebrius in Germania erat gymnasium, ob rerũ omnium abundantiam, & doctissimorũ hominum incredibilem multitudinẽ. Ibi Ioannes, ut erat acri ingenio, statim philosophiæ præcepta edidicit. deinde sub Conrado Celte eximio tum Philosopho et Poeta etiam politiores literas magna cũ auiditate arripuit. natura enim & ingenij vi ad ea studia sua sponte impellebatur. Et quia unũ magistrũ & auctorẽ Apollinẽ utriusq; studij Poetices & Medicinẽ fuisse credebat, etiã Medicinẽ professionẽ mansuetiorib. Musis adiunxit. In his pulcherrimis studijs tantã famam tantamq; cum laude gloriã consecutus est, ut anno 1500 Viennẽ in uniuersa Doctorũ turba nemo Cuspiniano facundior aut eloquẽtior haberẽt. Itaq; Maximiliani iussu Ioanni Stabio Poetẽ laureã cõtulit, & in frequẽti cõfessu 1502 Poetices studiũ omnium admiratiõẽ cõmendauit. Hanc dicẽdi gratiam corporis statura & dignitas cõmendabat.